

Član 33.
(Ranije započeti postupci)

Svi slučajevi odnosno postupci koji do dana stupanja na snagu ove Uredbe nisu pravosnažno okončani, završit će se po odredbama propisa koji je bio na snazi u vrijeme podnošenja zahtjeva.

Član 34.
(Stupanje na snagu i objavljivanje Uredbe)

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Broj: 02-38-14128/14.

PREMIJER

Datum, 10.07.2014. godine

Zenica

Munib Husejnagić, dipl.ing.maš., s.r.

332.

Na osnovu člana 16. stav 1. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona" broj 7/10) i člana 17 stav 2. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14), na prijedlog Ministarstva za boračka pitanja, Vlada Zeničko-dobojskog kantona, na 172. sjednici održanoj dana 10.07.2014. godine, d o n o s i

U R E D B U
O DODJELI KREDITA ZA ZAPOSŁJAVANJE
BRANILACA I ČLANOVA NJIHOVIH PORODICA

DIO PRVI - OPĆE ODREDBE

Član 1.
(Predmet Uredbe)

Ovom Uredbom utvrđuju se uvjeti, način i postupak ostvarivanja prava na dodjelu kreditnih sredstava u svrhu trajnog zapošljavanja branilaca i članova njihovih porodica, koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Član 2.
(Korisnici prava)

Pravo na dodjelu kreditnih sredstava po ovoj Uredbi mogu ostvariti:

- a) dobitnici ratnih priznanja ili odlikovanja;
- b) ratni vojni invalidi;
- c) demobilizirani branioци koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca;
- d) članovi porodice šehida, poginulih, umrlih i nestalih branilaca i umrlih ratnih vojnih invalida;
- e) članovi uže porodice poginulih, umrlih ili nestalih dobitnika ratnog priznanja ili odlikovanja.

Član 3.
(Posebni korisnici)

Prava po ovoj Uredbi može koristiti i:

- a) dijete šehida, poginulog, umrlog, nestalog branioca, kojem je prestalo pravo na porodičnu invalidninu, do navršene 35. godine života;
- b) dijete poginulog, umrlog ili nestalog dobitnika ratnog priznanja ili odlikovanja, osim lica iz tačke a) ovog člana, kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu, do navršene 30. godine života;
- c) dijete umrlog demobiliziranog branioca koji je u redovima Oružanih snaga proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti, do navršene 30. godine života;
- d) udovica umrlog demobiliziranog branioca koji je u redovima Oružanih snaga proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu;
- e) roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

Član 4.

(Posebni uvjeti)

Pravo na dodjelu kreditnih sredstava, lica iz člana 2. i 3. ove Uredbe mogu ostvariti pod uvjetom da:

- a) imaju prebivalište na području Kantona u trajanju od najmanje dvije godine neprekidno, osim povratnika u Republiku Srpsku;
- b) prava iz oblasti branilačko-invalidske zaštite ostvaruju u općinama Kantona;
- c) nisu u radnom odnosu;
- d) oni i članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao pravno ili fizičko lice;
- e) nisu korisnici kredita za zapošljavanje ostvarenog po drugom osnovu iz sredstava budžeta Kantona;
- f) nisu korisnici kredita i drugih sredstava za podsticaj zapošljavanja ostvarenog putem Službe za zapošljavanje.

Član 5.

(Pojmovi i definicije)

- (1) Pojmovi korišteni u Uredbi: dobitnik ratnog priznanja ili odlikovanja, ratni vojni invalid, demobilizirani branilac, član porodice šehida, poginulog, umrlog, nestalog branioca i umrlog ratnog vojnog invalida i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" broj 70/05, 61/06 i 9/10).
- (2) Djetetom dobitnika ratnog priznanja ili odlikovanja/ratnog vojnog invalida/demobiliziranog branioca, u smislu ove Uredbe, smatra se dijete rođeno u braku/van braka, usvojeno dijete, kao i pastorce koje je sa istim živjelo u zajedničkom domaćinstvu najmanje posljednju godinu dana.

Član 6.

(Dokazivanje statusa)

U postupku ostvarivanja prava po ovoj Uredbi, branioci i članovi njihovih porodica svoj status dokazuju rješenjem nadležnog organa o priznavanju prava na ličnu i porodičnu invalidninu za ratnog vojnog invalida odnosno člana porodice šehida, poginulog, umrlog, nestalog

branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama za demobiliziranog branioca, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

Član 7.

(Visina kredita)

Kreditna sredstva po ovoj Uredbi se mogu odobriti u maksimalnom iznosu do 30.000,00 KM.

Član 8.

(Uvjeti dodjele kredita)

Kredit se dodjeljuje pod slijedećim uvjetima:

- a) rok otplate do 10 godina;
- b) grace period do 24 mjeseca;
- c) kamatna stopa 3% godišnje;
- d) zatezna kamata 3% godišnje;
- e) instrumente osiguranja vraćanja kredita određuje izabrana banka, u skladu sa pravilima struke.

Član 9.

(Ponovna dodjela kredita)

- (1) Branioci i članovi njihovih porodica mogu samo jednom koristiti sredstva iz ove kreditne linije.
- (2) Izuzetno od odredbi stava (1) ovog člana, kreditna sredstva mogu biti odobrena i drugi put braniocima i članovima njihovih porodica koji su uredno i u roku izvršili obaveze i povrat sredstava iz prethodno odobrenog kredita i pod uvjetom da će sredstva po novom kreditu upotrijebiti za zapošljavanje nezaposlenih branilaca i članova njihovih porodica iz člana 2. i 3. ove Uredbe.

DIO DRUGI - POSTUPAK DODJELE KREDITA

Član 10.

(Podnošenje zahtjeva)

- (1) Pravo na dodjelu kredita po ovoj Uredbi može se ostvariti podnošenjem zahtjeva općinskoj službi nadležnoj za poslove branilačko-invalidske zaštite u općini u kojoj podnosilac zahtjeva ima prebivalište, odnosno u kojoj ostvaruje prava iz branilačko-invalidske zaštite ili u kojoj se nalazi na evidenciji nadležnog organa za vojne poslove (u daljnjem tekstu: općinska služba).

(2) Zahtjev iz stava (1) ovog člana podnosi se na posebnom obrascu kojeg propisuje ministar Ministarstva za boračka pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Član 11.

(Dokumentacija)

Uz zahtjev za dodjelu kredita kandidati prilažu sljedeću dokumentaciju:

- a) dokaz o statusu branioca i člana porodice branioca;
- b) fotokopiju lične karte;
- c) uvjerenje o prebivalištu;
- d) uvjerenje Službe za zapošljavanje o statusu nezaposlenog lica;
- e) investicioni program za obavljanje djelatnosti - biznis plan;
- f) dokaz o riješenim imovinsko-pravnim odnosima za zemljište i ostale nekretnine koje u realizaciji programa namjeravaju koristiti;
- g) uvjerenje Porezne uprave.

Član 12.

(Postupak po zahtjevu)

U postupku po zahtjevu općinska služba je dužna u narednom roku od petnaest dana:

- a) utvrditi kompletnost podnesene dokumentacije i zahtijevati otklanjanje uočenih nedostataka i eventualnu dopunu dokumentacije;
- b) u slučaju potrebe izvršiti neposredan uviđaj u stvarima iz zahtjeva;
- c) sačiniti prijedlog o odobravanju ili neodobravanju kredita i isti sa kompletnom dokumentacijom dostaviti Ministarstvu.

Član 13.

(Komisija)

(1) Podnesene zahtjeve za dodjelu kreditnih sredstava po ovoj Uredbi razmatra komisija Ministarstva za dodjelu kredita (u daljnjem tekstu: Komisija), koju rješenjem imenuje ministar Ministarstva u roku od osam dana od stupanja na snagu ove Uredbe.

(2) O radu Komisije vodi se zapisnik.

(3) Zadatak Komisije je da po svakom podnesenom zahtjevu :

- a) razmotri podnesenu dokumentaciju;
- b) u slučaju potrebe izvrši neposredan uviđaj u stvarima iz zahtjeva;
- c) izvrši ocjenu realnosti i ostvarivosti ponuđenog programa;
- d) sačini obrazloženi prijedlog o odobravanju podnesenog zahtjeva za dodjelu kredita ili odbijanju kredita i isti dostavi ministru Ministarstva.

(4) Na zahtjev Komisije kandidati su dužni dostaviti na uvid i drugu dokumentaciju od značaja za donošenje odluke o dodjeli kredita.

Član 14.

(Lista prvenstva)

U slučaju većeg broja prijedloga za odobravanje kredita, Komisija će sačiniti listu prioriteta na osnovu procjene kvaliteta ponuđenog investicionog programa.

Član 15.

(Donošenje odluke)

(1) Na prijedlog Komisije i u skladu sa ovom Uredbom, o dodjeli kredita za zapošljavanje odlučuje ministar Ministarstva, koji istovremeno utvrđuje dinamiku i broj odobrenih kredita u skladu sa raspoloživim budžetskim sredstvima namjenjenim za ovu svrhu.

(2) Ministarstvo dostavlja općinskim službama obavijest o stavu po zaprimljenim prijedlozima, uz povrat kompletne dokumentacije.

Član 16.

(Reprogram kredita)

(1) U slučajevima kada korisnik kredita zbog opravdanih razloga nije u mogućnosti vršiti redovnu otplatu kredita, može se odobriti reprogramiranje postojećeg kredita.

(2) Reprogram kredita može biti odobren jednom u periodu trajanja kreditnog odnosa, na period od najduže osam godina.

(3) Zahtjev za reprogram kredita korisnik podnosi Ministarstvu, sa dokazima iz kojih su vidljivi razlozi nemogućnosti redovnog sevisiranja kreditnih obaveza.

(4) Na prijedlog Komsije, odluku o odobravanju reprogramiranja kredita donosi ministar Ministarstva.

(5) Odluka iz stava (4) ovog člana dostavlja se na realizaciju izabranoj banci.

Član 17.
(Otpis kredita)

U opravdanim slučajevima kada korisnik kredita ili njegov nasljednik nije u mogućnosti da redovno servisira vraćanje kredita (smrt ili teško oboljenje korisnika kredita, uništenje imovine usljed više sile i u drugim vanrednim situacijama kada nije moguće naplatiti kredit a da se korisnik ne dovede u izuzetno tešku egzistencijalnu situaciju), kao i u slučajevima kada izabrana banka obavijesti Ministarstvo o nemogućnosti naplate potraživanja, Vlada Kantona, na prijedlog ministra Ministarstva, može donijeti zaključak o djelomičnom ili otpisu u cjelini ostatka duga po kreditu.

Član 18.
(Izdavanje rješenja)

(1) Na osnovu dostavljene obavijesti Ministarstva, općinska služba donosi rješenje o odobravanju kredita, odbijanju ili odbacivanju zahtjeva.

(2) žalbi na rješenje općinske službe rješava Ministarstvo.

Član 19.
(Obavještanje Službe za zapošljavanje)

Po isteku grace perioda predviđenog ovom Uredbom, Ministarstvo dostavlja obavijest Službi za zapošljavanje o korisnicima kredita, u cilju njihovog brisanja sa evidencije nezaposlenih lica.

Član 20.
(Realizacija kredita)

(1) Krediti se realizuju putem izabrane banke, sa kojom ugovor zaključuje ministar Ministarstva.

(2) Ugovorom iz stava (1) ovog člana utvrdit će se obaveza izabrane banke o dostavljanju Ministarstvu mjesečnih izvještaja o odobrenim i realiziranim kreditima.

DIO TREĆI - ZAVRŠNE ODREDBE

Član 21.
(Sredstva za ostvarivanje prava)

Sredstva za dodjelu kredita za zapošljavanje branilaca i članova njihovih porodica osiguravaju se u Budžetu Kantona u skladu sa prilivima sredstava.

Član 22.

(Evidencija i obrasci)

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

Član 23.

(Instrukcije i nadzor)

(1) U realizaciji ove Uredbe ministar Ministarstva može donijeti odgovarajuće instrukcije.

(2) Nadzor nad provođenjem ove Uredbe ima Ministarstvo.

Član 24.

(Ravnopravnost spolova)

Sve imenice koje se odnose na braniocce i članove njihovih porodica, upotrijebljene u ovoj Uredbi samo u muškom ili samo u ženskom rodu, odnose se na oba spola.

Član 25.

(Primjena odredbi)

Odredbe člana 16. i 17. ove Uredbe odnose se i na dospjele a neizvršene kreditne obaveze po osnovu kredita namijenjenih zapošljavanju branilaca i članova njihovih porodica, dodijeljnih od strane Ministarstva u periodu primjene prethodnih akata na osnovu kojih je vršena dodjela kredita u ovu svrhu.

Član 26.

(Stavljanje Uredbe van snage)

Danom stupanja na snagu ove Uredbe prestaje važiti Uredba o dodjeli kredita za zapošljavanje branilaca i članova njihovih porodica ("Službene novine Zeničko-dobojskog kantona" broj 3/08 i 2/13).

Član 27.

(Stupanje na snagu i objavljivanje Uredbe)

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Broj: 02-14-14129/14.

Datum, 10.07.2014. godine

Zenica

PREMIJER

Munib Husejnagić, dipl.ing.maš., s.r.

.....

Članak 33.
(Ranije započeti postupci)

Svi slučajevi odnosno postupci koji do dana stupanja na snagu ove Uredbe nisu pravomoćno okončani, završit će se po odredbama propisa koji je bio na snazi u vrijeme podnošenja zahtjeva.

Članak 34.
(Stupanje na snagu i objavljivanje Uredbe)

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Broj: 02-38-14128/14.

PREMIJER

Datum, 10.07.2014. godine

Zenica

Munib Husejnagić, dipl.ing. stroj., v.r.

332.

Na temelju članka 16. stavak 1. Zakona o Vladi Zeničko-dobojskog kantona-Pročišćeni tekst ("Službene novine Zeničko-dobojskog kantona" broj 7/10) i članka 17 stavak 2. Zakona o dopunskim pravima branitelja i članova njihovih obitelji ("Službene novine Zeničko-dobojskog kantona" broj 1/14), na prijedlog Ministarstva za braniteljska pitanja, Vlada Zeničko-dobojskog kantona, na 172. sjednici održanoj dana 10.07.2014. godine,
d o n o s i

U R E D B U
O DODJELI KREDITA ZA UPOŠLJAVANJE
BRANITELJA I ČLANOVA NJIHOVIH OBITELJI

DIO PRVI - OPĆE ODREDBE

Član 1.
(Predmet Uredbe)

Ovom Uredbom utvrđuju se uvjeti, način i postupak ostvarivanja prava na dodjelu kreditnih sredstava u svrhu trajnog upošljavanja branitelja i članova njihovih obitelji, koji imaju prebivalište na području Zeničko-dobojskog kantona (u daljnjem tekstu: Kanton), kao i povratnika u Republiku Srpsku koji ostvaruju osnovna prava iz braniteljsko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

Članak 2.
(Korisnici prava)

Pravo na dodjelu kreditnih sredstava po ovoj Uredbi mogu ostvariti:

- a) dobitnici ratnih priznanja ili odlikovanja;
- b) ratni vojni invalidi;
- c) razvojačeni branitelji koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca;
- d) članovi obitelji šehida, poginulih, umrlih i nestalih branitelja i umrlih ratnih vojnih invalida;
- e) članovi uže obitelji poginulih, umrlih ili nestalih dobitnika ratnog priznanja ili odlikovanja.

Članak 3.
(Posebni korisnici)

Prava po ovoj Uredbi može koristiti i:

- a) dijete šehida, poginulog, umrlog, nestalog branitelja, kojem je prestalo pravo na obiteljsku invalidninu, do navršene 35. godine života;
- b) dijete poginulog, umrlog ili nestalog dobitnika ratnog priznanja ili odlikovanja, osim osobe iz točke a) ovog članka, kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na obiteljsku invalidninu, do navršene 30. godine života;
- c) dijete umrlog razvojačenog branitelja koji je u redovima Oružanih snaga proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti, do navršene 30. godine života;
- d) udovica umrlog razvojačenog branitelja koji je u redovima Oružanih snaga proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili izvanbračnu zajednicu;
- e) roditelji umrlog ratnog vojnog invalida ili razvojačenog branitelja koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

Članak 4.

(Posebni uvjeti)

Pravo na dodjelu kreditnih sredstava, osobe iz članka 2. i 3. ove Uredbe mogu ostvariti pod uvjetom da:

- a) imaju prebivalište na području Kantona u trajanju od najmanje dvije godine neprekidno, osim povratnika u Republiku Srpsku;
- b) prava iz oblasti braniteljsko-invalidske zaštite ostvaruju u općinama Kantona;
- c) nisu u radnom odnosu;
- d) oni i članovi njihovog obiteljskog domaćinstva nisu vlasnici ili suvlasnici subjekta koji obavlja gospodarsku ili drugu djelatnost, registriranog kao pravna ili fizička osoba;
- e) nisu korisnici kredita za upošljavanje ostvarenog po drugom osnovu iz sredstava proračuna Kantona;
- f) nisu korisnici kredita i drugih sredstava za poticaj upošljavanja ostvarenog putem Službe za upošljavanje.

Članak 5.

(Pojmovi i definicije)

- (1) Pojmovi korišteni u Uredbi: dobitnik ratnog priznanja ili odlikovanja, ratni vojni invalid, razvojačeni branitelj, član obitelji šehida, poginulog, umrlog, nestalog branitelja i umrlog ratnog vojnog invalida i član uže obitelji poginulog, umrlog ili nestalog dobitnika ratnog priznanja ili odlikovanja, upotrijebljeni su sukladno odredbama Zakona o pravima branitelja i članova njihovih obitelji ("Službene novine Federacije Bosne i Hercegovine" broj 33/04, 56/05, 70/07 i 9/10) i Zakona o posebnim pravima dobitnika ratnih priznanja i odlikovanja i članova njihovih obitelji ("Službene novine Federacije BiH" broj 70/05, 61/06 i 9/10).
- (2) Djetetom dobitnika ratnog priznanja ili odlikovanja/ratnog vojnog invalida/ razvojačenog branitelja, u smislu ove Uredbe, smatra se dijete rođeno u braku/izvan braka, usvojeno dijete, kao i pastorče koje je sa istim živjelo u zajedničkom domaćinstvu najmanje posljednju godinu dana.

Članak 6.

(Dokazivanje statusa)

U postupku ostvarivanja prava po ovoj Uredbi, branitelji i članovi njihovih obitelji svoj status dokazuju rješenjem mjerodavnog organa o priznavanju prava na osobnu i obiteljsku invalidninu za ratnog vojnog invalida odnosno člana obitelji šehida, poginulog, umrlog, nestalog

branitelja ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže obitelji poginulog, umrlog ili nestalog dobitnika ratnog priznanja ili odlikovanja; uvjerenjem mjerodavnog organa o periodu učešća u Oružanim snagama za razvojačenog branitelja, te na osnovu smrtnog lista i uvjerenja o učešću u Oružanim snagama umrlog razvojačenog branitelja, izdatog sukladno Zakonu o upravnom postupku ("Službene novine FBiH" broj 2/98 i 48/99).

Članak 7.

(Visina kredita)

Kreditna sredstva po ovoj Uredbi se mogu odobriti u maksimalnom iznosu do 30.000,00 KM.

Članak 8.

(Uvjeti dodjele kredita)

Kredit se dodjeljuje pod sljedećim uvjetima:

- a) rok otplate do 10 godina;
- b) grace period do 24 mjeseca;
- c) kamatna stopa 3% godišnje;
- d) zatezna kamata 3% godišnje;
- e) instrumente osiguranja vraćanja kredita određuje izabrana banka, u skladu sa pravilima struke.

Član 9.

(Ponovna dodjela kredita)

- (1) Branioци i članovi njihovih obitelji mogu samo jednom koristiti sredstva iz ove kreditne linije.
- (2) Izuzetno od odredbi stavka (1) ovog članka, kreditna sredstva mogu biti odobrena i drugi put braniteljima i članovima njihovih obitelji koji su uredno i u roku izvršili obveze i povrat sredstava iz prethodno odobrenog kredita i pod uvjetom da će sredstva po novom kreditu upotrijebiti za upošljavanje neuposlenih branitelja i članova njihovih obitelji iz članka 2. i 3. ove Uredbe.

DIO DRUGI - POSTUPAK DODJELE KREDITA

Članak 10.

(Podnošenje zahtjeva)

- (1) Pravo na dodjelu kredita po ovoj Uredbi može se ostvariti podnošenjem zahtjeva općinskoj službi mjerodavnoj za poslove braniteljsko-invalidske zaštite u općini u kojoj podnositelj zahtjeva ima prebivalište, odnosno u kojoj ostvaruje prava iz braniteljsko-invalidske zaštite ili u kojoj se nalazi na evidenciji mjerodavnog organa za vojne poslove (u daljnjem tekstu: općinska služba).

(2) Zahtjev iz stavka (1) ovog članka podnosi se na posebnom obrascu kojeg propisuje ministar Ministarstva za braniteljska pitanja Zeničko-dobojskog kantona (u daljnjem tekstu: Ministarstvo) u roku od osam dana od dana stupanja na snagu ove Uredbe.

Članak 11.

(Dokumentacija)

Uz zahtjev za dodjelu kredita kandidati prilažu sljedeću dokumentaciju:

- a) dokaz o statusu branitelja i člana obitelji branitelja;
- b) presliku osobne karte;
- c) uvjerenje o prebivalištu;
- d) uvjerenje Službe za upošljavanje o statusu neuposlene osobe;
- e) investicioni program za obavljanje djelatnosti - biznis plan;
- f) dokaz o riješenim imovinsko-pravnim odnosima za zemljište i ostale nekretnine koje u realizaciji programa namjeravaju koristiti;
- g) uvjerenje Porezne uprave.

Članak 12.

(Postupak po zahtjevu)

U postupku po zahtjevu općinska služba je dužna u narednom roku od petnaest dana:

- a) utvrditi kompletnost podnesene dokumentacije i zahtijevati otklanjanje uočenih nedostataka i eventualnu dopunu dokumentacije;
- b) u slučaju potrebe izvršiti neposredan uviđaj u stvarima iz zahtjeva;
- c) sačiniti prijedlog o odobravanju ili neodobravanju kredita i isti sa kompletnom dokumentacijom dostaviti Ministarstvu.

Članak 13.

(Povjerenstvo)

(1) Podnesene zahtjeve za dodjelu kreditnih sredstava po ovoj Uredbi razmatra povjerenstvo Ministarstva za dodjelu kredita (u daljnjem tekstu: Povjerenstvo), koju rješenjem imenuje ministar Ministarstva u roku od osam dana od stupanja na snagu ove Uredbe.

(2) O radu Povjerenstva vodi se zapisnik.

(3) Zadatak Povjerenstva je da po svakom podnesenom zahtjevu :

- a) razmotri podnesenu dokumentaciju;
- b) u slučaju potrebe izvrši neposredan uviđaj u stvarima iz zahtjeva;
- c) izvrši ocjenu realnosti i ostvarivosti ponuđenog programa;
- d) sačini obrazloženi prijedlog o odobravanju podnesenog zahtjeva za dodjelu kredita ili odbijanju kredita i isti dostavi ministru Ministarstva.

(4) Na zahtjev Povjerenstva kandidati su dužni dostaviti na uvid i drugu dokumentaciju od značaja za donošenje odluke o dodjeli kredita.

Članak 14.

(Lista prvenstva)

U slučaju većeg broja prijedloga za odobravanje kredita, Povjerenstvo će sačiniti listu prioriteta na osnovu procjene kvaliteta ponuđenog investicionog programa.

Članak 15.

(Donošenje odluke)

(1) Na prijedlog povjerenstva i sukladno ovoj Uredbi, o dodjeli kredita za zapošljavanje odlučuje ministar Ministarstva, koji istovremeno utvrđuje dinamiku i broj odobrenih kredita sukladno raspoloživim proračunskim sredstvima namjenjenim za ovu svrhu.

(2) Ministarstvo dostavlja općinskim službama obavijest o stavu po zaprimljenim prijedlozima, uz povrat kompletne dokumentacije.

Članak 16.

(Reprogram kredita)

(1) U slučajevima kada korisnik kredita zbog opravdanih razloga nije u mogućnosti vršiti redovnu otplatu kredita, može se odobriti reprogramiranje postojećeg kredita.

(2) Reprogram kredita može biti odobren jednom u periodu trajanja kreditnog odnosa, na period od najduže osam godina.

(3) Zahtjev za reprogram kredita korisnik podnosi Ministarstvu, sa dokazima iz kojih su vidljivi razlozi nemogućnosti redovnog sevisiranja kreditnih obveza.

(4) Na prijedlog Povjerenstva, odluku o odobravanju reprogramiranja kredita donosi ministar Ministarstva.

(5) Odluka iz stavka (4) ovog članka dostavlja se na realizaciju izabranoj banci.

**Članak 17.
(Otpis kredita)**

U opravdanim slučajevima kada korisnik kredita ili njegov nasljednik nije u mogućnosti da redovno servisira vraćanje kredita (smrt ili teško oboljenje korisnika kredita, uništenje imovine usljed više sile i u drugim izvanrednim situacijama kada nije moguće naplatiti kredit a da se korisnik ne dovede u izuzetno tešku egzistencijalnu situaciju), kao i u slučajevima kada izabrana banka obavijesti Ministarstvo o nemogućnosti naplate potraživanja, Vlada Kantona, na prijedlog ministra Ministarstva, može donijeti zaključak o djelomičnom ili otpisu u cjelini ostatka duga po kreditu.

**Članak 18.
(Izdavanje rješenja)**

(1) Na osnovu dostavljene obavijesti Ministarstva, općinska služba donosi rješenje o odobravanju kredita, odbijanju ili odbacivanju zahtjeva.

(2) žalbi na rješenje općinske službe rješava Ministarstvo.

**Članak 19.
(Obavješćavanje Službe za upošljavanje)**

Po isteku grace perioda predviđenog ovom Uredbom, Ministarstvo dostavlja obavijest Službi za upošljavanje o korisnicima kredita, u cilju njihovog brisanja sa evidencije neuposlenih osoba.

**Članak 20.
(Realiziranje kredita)**

(1) Krediti se realizuju putem izabrane banke, sa kojom ugovor zaključuje ministar Ministarstva.

(2) Ugovorom iz stavka (1) ovog članka utvrdit će se obveza izabrane banke o dostavljanju Ministarstvu mjesečnih izvještaja o odobrenim i realiziranim kreditima.

DIO TREĆI - ZAVRŠNE ODREDBE

**Članak 21.
(Sredstva za ostvarivanje prava)**

Sredstva za dodjelu kredita za zapošljavanje branitelja i članova njihovih obitelji osiguravaju se u Proračunu Kantona sukladno prilikovima sredstava.

Članak 22.

(Evidencija i obrasci)

Elektronsku evidenciju o podnesenim zahtjevima i korisnicima prava po ovoj Uredbi vode općinske službe i Ministarstvo, po posebnim obrascima koje propisuje ministar Ministarstva u roku od osam dana od dana stupanja na snagu ove Uredbe.

Članak 23.

(Instrukcije i nadzor)

(1) U realizaciji ove Uredbe ministar Ministarstva može donijeti odgovarajuće instrukcije.

(2) Nadzor nad provođenjem ove Uredbe ima Ministarstvo.

Članak 24.

(Ravnopravnost spolova)

Sve imenice koje se odnose na branitelje i članove njihovih obitelji, upotrijebljene u ovoj Uredbi samo u muškom ili samo u ženskom rodu, odnose se na oba spola.

Članak 25.

(Primjena odredbi)

Odredbe članka 16. i 17. ove Uredbe odnose se i na dospjele a neizvršene kreditne obveze po osnovu kredita namijenjenih upošljavanju branitelja i članova njihovih obitelji, dodijeljnih od strane Ministarstva u periodu primjene prethodnih akata na osnovu kojih je vršena dodjela kredita u ovu svrhu.

Članak 26.

(Stavljanje Uredbe izvan snage)

Danom stupanja na snagu ove Uredbe prestaje važiti Uredba o dodjeli kredita za upošljavanje branitelja i članova njihovih obitelji ("Službene novine Zeničko-dobojskog kantona" broj 3/08 i 2/13).

Članak 27.

(Stupanje na snagu i objavljivanje Uredbe)

Uredba stupa na snagu danom donošenja, a ista će biti objavljena u "Službenim novinama Zeničko-dobojskog kantona".

Broj: 02-14-14129/14.

Datum, 10.07.2014. godine

Zenica

PREMIJER
Munib Husejnagić, dipl.ing. stroj., v.r.

.....